



## ?B na n waa ne kuum t'a wönd pesg sën tēgse

Yii a Abu Saud Alhudry, -Wënd yard be a yīnga-, a yeelame, Wënd Tēn-tuuma, -Wënd puusg la A tūlgr be a yīnga-, yeelame: «B na n waa ne kuum t'a wönd pesg sën tēgse, ti boand boole : «yaa yāmb a arzān koamba!» Tī bāmb sindg n getē, t'a yeele, rē yīnga yāmb mii yāwā bu? Tī b yeele, n-yeel, yāwā la kuum, ti b fāa gill yā-a. Rē poorē t'a leb n boole: « yaa yāmb a Bugum koamba!» Tī bāmb me sindge n zēk n yetē, t'a yeele, la yāmb mii yāwā bu? Tī b yeele, n-yeel, yāwā la kuum, b fāa gillā me yā-a lame, ti b koadg-a, rē poorē ti b yeele: arzān koambā, yāmb na n duumame ti kuum ka leb n be ye, yāmb a Bugum koamb me y na n duumame ti kuum ka be ye, rē poorē ti Nabiyaamā kareme {La bugs-b ne nīmsā raarā, yellā sën wat n bu wā; ti bāmb yaool n be yam yaal-yaal pugē n ka kōt sūd ye.} [Maryam: 39], bāmbā la dūni yam yaal-yaal neba {n ka kōt sūd ye} [Maryam: 39]».

[Sahih/Authentic.] [Al-Bukhari and Muslim]

Nabiyaamā, -Wënd puusg la A tūlgr be a yīnga-, togsdame n vēnegd n wilgdē, ti kūuma, b na n waa ne-a, dūni yikr raare, t'a wönd pe-raoogo, peelem la sablem sën be a köbgē wā, Tī b boole: «arzān koambā» ti bāmb tēeg b yubli wā, n getē, Tī b yeel-ba: «yāmb mii yāwā bu?» Tī b yeele : «n-yeel, yāwā la kuum » b fāa gill me yā-a lame, b bāng-a lame, Rē poorē ti boandā leb n boole: «yaa yāmb Bugum koambā» ti b zēk b yubli wā n yetē, T'a yeele : «yāmb mii yāwā bu?» Tī b yeel ti n-yeel, yāwā la kuum, b fāa gill me yā-a lame; Tī b koadg-a, rē poorē ti boandā yeele: «arzān koambā, paa-y arzānē wā, ti kuum ka be lae ye, yāmb me Bugum koambā, y na n paame, ti kuum ka be lae». La woto yaa sën na n yūl ti muunim-rāmbā neemā wā paase la a yū yō-tēgre ne kīfr-rāmbā namsgo. Rē poorē ti Nabiyaamā, -Wënd puusg la A tūlgr be a yīnga-, kareme: {La bugs-b ne nīmsā raarā, yellā sën wat n bu wā; ti bāmb yaool n be yam yaal-yaal pugē n ka kōt sūd ye} Rēnd dūni yikr raare, b na n welga arzān koamba la Bugum koamba, ti ned fāa kē a zīigē, n duumd beenē, n ka na n yi ye, Rēnd wēng maanda, a sāamda a sūuri, n maan mimsa, yē sën ka manegā yīnga, la sën maana koeegr me, yē me maanda mimsa a sën ka maan sōmā wā ti yūd woto wā.

النجاة الخيرية  
ALNAJAT CHARITY

